

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

قانون مجازات

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرنندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

مرعیت احکامنه بالاستیدان اراده سنیه
حضرت پادشاهی شرفصدور بیوریلان تمغا
قانوننک بقیه سی:

فصل ثامن

احکام متفرقه

یتیش ایکنجی ماده

• رمضان سنه ۱۳۱۰ تاریخلی تمغا قانوننک
نشرندن اول قانونه مغایر اوله رق تنظیم ایدلمش اولان
سندادن جزای نقدی النیه جق واشبو قانون احکامنه
توفیقاً پول وضع ایدلمک اوزره محاکمه ابراز دخی
ایدیله بیله جقدر.

اوراق مذکورده فی فقره سابقه در محرر صورته
مغایر اوله رق قبول ایله اجرای معامله ایدن حکامدن
یارم عثمانلی التونی جزای نقدی النور.

یتیش اوچنجی ماده

• رمضان سنه ۱۳۱۰ تاریخلی قانوندن اشبو
قانوننک موقع تطبیق و اجرایه وضعی تاریخنه قدر احکام
قانونیه مخالف اوله رق تنظیم اولنان اوراق وسندات
اشبو قانوننک تاریخ نشرندن اعتباراً الی آخر طرفنده
اداره مخصوصه سنه ابراز ایدلیکی حالده حین تنظیمنده
مرعی قانون موجبجه یالکزر رسم تمغانک استیفاسیله
اکتفا ایدیلوب اشبو مدتک انتقضاسندن صکره محاکم
ودوائر ابراز اولنان مخالف قانون اوراق وسنداتدن
اشبو قانونده معین رسم و جزای نقدی النور.

یتیش دردنجی ماده

اوزرنده روم ایلی شرقتنک پولی بولنان اوراق
(ولایت مذکوره داخلنده تنظیم ایدلمش اولق
شرطیله) سائر ولایات شاهانه ده پول رسمندن معافدر.
اوزرنده عموم ولایات شاهانه به مخصوص پول بولنان
اوراق دخی روم ایلی شرقیده پول رسمندن معافدر.

یتیش بشنجی ماده

سندانک ناطق اوله جنی مسکوکات اجنبیه فی
مقنن آتی موجبجه حساب ایدیلور:

انکلز لیراسی ۱۱۰ غروش

فرائق	۴	غروش قرق سائیم
روبله	۱۱	» یتیش بش
مارق	۵	» قرق
قورون	۴	» الی
دولار	۲۳	»
فیلورین فلنک	۹	»
مصر لیراسی	۱۱۴	»
روپی	۷	» الی سائیم
بالاده محرر اولیان مسکوکات سائر پولک البصاق		
اولنه جنی کونک قامیو فیثاتی موجبجه حساب		
اوله جقدر.		

فصل تاسع

رسم منظم پولاری حقنده در

یتیش التنجی ماده

بالجمله املاک وعقارک وسفان و مراکب بحریه نک
فراغ وانتقاله دائر تنظیم اولنان ضبطنامه لر اون
اوچنجی ماده ده محرر نسبتبه کوره رسم نسبی به تابعدر.
انتقال وفراغ معاملات بر ضبطنامه ایله اجرا
اولنور ایسه او مثلاً ضبطنامه لر فقره اولیده محرر
رسمک ایکی مثله تابعدر.

یتیش یدنجی ماده

هرنوع رسوم وتکالیف و ویرکولرک و وارداتک
اخذ وقبضی مین دوائر رسمیه ایله مال صندوقلرندن
واموال امیرییه ملتزمی و بالجله تحصیل مأمورلری
طرفندن مکلفینه اعطا اولنان مقبوض و ابراسندلریله
ابرای متضمن اوراق یکرمی پاره لق پول رسمنه تابعدر.
اشبو مقبوض و ابراسندانک اعطاسی مجبوریدر.
رسوم وتکالیف قوبونلی و ظهیریله تذکره و پوصله
ایله استیفا ایدلیکی حالده پول یالکزر تذکره و پوصله به
الصاق ایدیلور.

یتیش سکزنجی ماده

پساپورطلر و بای تخت سلطنت سنیه ده و ولایات
شاهانه مراکزنده اعطا اولنان صید بری
تذکره لر ۱۰ غروش

پساوانلر و اوچیوز غروشدر یوقارو رسمه تابع
اصناف تذکره لر یله سرکی رخصتیله لر ۵ غروش
صید بحری تذکره لر ی و در سعادت و مراکز
ولایاندن غیر محللرده ویریلان صید بری تذکره لر یله
سلاح طاشیمق مأذونیتی متضمن تذکره لر و ایکی
یوز غروشدر یوقارو و اوچیوز غروشه قدر رسمه
تابع اصناف تذکره لر یله سرکی رخصتیله سی ۳ غروش
مرور تذکره لر یله یوز غروشدر یوقارو ایکی
یوز غروشه قدر اصناف تذکره لر ی و سرکی
رخصتیله لر ۲ غروش

یوز غروشه قدر اولان اصناف تذکره لر یله
سرکی رخصتیله لر و فراغ وانتقال و انشات
وتعمیرات تذکره لر ی ۱ غروش

دوائر رسمیه طرفندن افراد هر نوع نقلیات
ایچون اعطا اولنان حسبی نقلیه تذکره لر یله بونلره
متفرع رخصتیله لر و بدل عشره و رسوم سائر یه مقابل
عیناً براغیلان ذخائر و اشیا ایچون ویریلان مقبوضلر
ونباکو رخصت تذکره لر ی ۲۰ پاره پول رسمنه
تابعدر.

یتیش طقوزنجی ماده

بالاده ذکر و بیان اولنان اوراق وسنداته
یاشسیدریله جق پول اوزرینه هر برینک نوعه کوره
املاک وعقارک فراغ وانتقالی مین سندات ضبطنا-
مه لرینه و پساپورطه و پساوانه و صید بری و بحری
رخصتیله لرینه و مرور تذکره لر یله و سلاح طاشیمق
مأذونیتی متضمن تذکره لر و دوائر رسمیه مقبوضلرینه
و اصناف تذکره لر ی و سرکی رخصتیله لرینه و فراغ
وانتقال تذکره لر یله و انشات و تعمیرات تذکره لر یله
مخصوصدر عبارده لر ی یازیله جقدر.

سکسانجی ماده

احکام آنفه موجبجه احداث اولنان پوللره
تابع اولان و ۷۹ نجی ماده ده مذکور پوللردن غیر
پول الصاق ایدلمش بولنان اوراق وسنداته تابع
اولدقلری پوللر الصاق ایدیله جک و فقط جزای
نقدی النیه جقدر.

سکسان برنجی ماده

بالاده محرر رسوم اوراق آینه مستندار :

- ۱ برورکو و یارسمک تأدیہ سنی مین اوله رق دواتر رسمیه بینده تطاتی اولان مقبوضلر .
- ۲ بش غروش ویا ایدن دون ویرکو و یارسمک تأدیہ سینه مقابل عدلیه نظارتیه شهر امانتجه اعطا اولان مقبوضلر .
- ۳ بدنا ویا بدلا ایضای خدمت ایدن عمله مکلفیه ویریلان مقبوضلر .
- ۴ حجانا اعطا اولان پساوورطلر و مرور تذکره لریله پساوانلر .
- ۵ پساوورط وپساوانلره و مرور تذکره لرینه تحریر اولان ویزلر .

سکسان ایکنجی ماده

بالاده محرر اوراق پولسز ویا نقصان پوللی اوله رق اعطا ایدن ویا پول وضع ایدوبده اوتوزنجی ماده احکامی دائره سنده ابطال ایتمایا مأمورین حکومت مسئول و قانون مذکورک اوتوز طقوزنجی ماده سنده محرر جزای نقدیه محکوم اولورلر .

مواد مخصوصه

سکسان اوچنجی ماده

پوله متعلق کافه قوانین و نظامات اشبو قانونک موقع تطبیق و اجرایه وضعی تاریخندن اعتباراً مفسوخدر .

اشبو قانون تاریخ نشرندن اعتباراً برماه صکره موقع اجرایه وضع اوله جق و شوقدرکه بمن ، حجاز ، طرابلس غرب ، بغداد ، بصره ، ارضروم ، موصل ، وان ، بتلیس ، معموره العزیز ، دیار بکر و لایاتیه بنگازی و زور سنجاقلرنده ابکی آی صکره موقع تطبیقه قونه جقدر .

سکسان دردنجی ماده

اشبو قانونک اجرای احکامنه مالیه و عدلیه نظارتلری مأموردلر .

فی ۲۵ صفر سنه ۱۳۲۲ و فی ۲۸ نisan سنه ۱۳۲۰

تبلیغات

بتلیس ولایتجه شدت شتادن طولانی طرق مراسلاتک اکثریا مسدود اوله رق پوستلرک وقت وزمانیه کله مامکده و بعضاً دخی قضالردن الویه و بورالردن مرکز ولایته کوندریله جک اوراق عدلیه نک پوسته کونه یتشدیریله مامسندن ناشی تأخرات وقوعه کلکده اولدیفندن بحثله محکمه تمیزه مراجعت امکان قانونی حاصل اولق اوزره مهل تمیزک توسیعی

ویا خود اوراق مذکورده نک استیناف مدعی عمومیلرینه ووردی تاریخنک مدت تمیزه مبدأ عد و اعتباری لزومندن باحث اولوب انجمن عدلیه جه شایان معامله بر جهتی کوریه مدبکی ۹ ایلول سنه ۳۱۹ تاریخلو مذکره ایله عدلیه نظارت جلیله سنه عرض و بیان اولان اشعار سابقک تکراریله برابر اصول محاکات جزاییه قانوننک یوزسکسان ایکنجی ماده سی منطوقجه مدعی عمومی مساوانلر نیک اون بش کون ظرفده استیناف مدعی عمومیلرینه ارسال ایده جککری خلاصه لره اوراق متعلقه سنک ربط ایلمسی خصوصنک دخی اصول وقاعده اتخاذی مناسب اوله جفته بناء اولابده کی مواد قانونیه نک تعدیل مطالع سینه دائر نظارت مشارالیه و لایت مذکورده استیناف مدعی عمومیلریندن بوکرده وارد اولوب انجمن مذکورده حواله اولان شقه اوزرینه بروجه آتی اعطای قرار اولنشدر :

اشعارات واقعه ، مواد جزاییه متدائر بدایه واستینافاً تنظیم و اعطا قلان اعلاماتدن طولانی حقوق عمومیه یی محافظه مدعی عمومیلر جانبدن اقامه اوله جق استیناف و تمیز دعوالرینه متفرع اصول محاکات جزاییه قانوننده مندرج اولان مواد معینه نک سوه تفهمندن متحصل بر فکر و مطالعه نتیجه سی اولقندن ناشی بوباده ایضاحات کافیه اعطاسنه لزوم کورنشدر شوبله که : ولایته مربوط الویه ایله بونلره نایق قضالر محاکدن قباحته دائر و صورت قطعیده اوله رق ویریلان اعلاماتک تمیزاً و ججه دن طولانی لاحق اولان مقررات ابتداییه نک استینافاً تدقیقی طلب وادعا محاکم مذکورده زندده بولنان مدعی عمومی مساوانلریله وکیلرینه عا د وظائف جله سندن اولقله برابر دعوی استینافه اون و تمیزه سکر کون و ذکر اولان لوا و قضا محاکمک ججه یه متدائر بولنان مقررات ابتداییه سی علینده حق استینافک استعمالی ایچون قضا مدعی عمومی معاونی وکیلرینه اون واستیناف مدعی عمومی صفتیه استیناف دعوی ایده جک اولان لوا مدعی عمومی معاونه تاریخ حکمدن اعتباراً ابکی و تبلیغ تاریخندن اعتباراً برماه مدت تعیین اولنش والویه محکمه لردن ججه حقدده استینافاً اعطا قلان مقررات ایله جنایانه دائر صادر اولان مقرراتدن طولانی تمیز دعواسنه تثبیت ایتک اوزره او محکمه زندده بولنان معاونلره دخی سکر کون مهل ویرلش اولمسنه و مرکز ولایته مربوط قضالردن ویریلان ججه اعلاماتی ابکی ویا برماه ظرفده استیناف و مرکز استیناف محکمه سنک مقررات جناییه سی سکر کون مدت ایچنده تمیز ایتک صلاحیتدن بشقه برده لوا محاکمک ججه حقدده بدایه ویردیکی قرارلری کذلک تاریخ حکمدن

اعتباراً ابکی و طرفین جانبدن قاعده وقوعبولان تبلیغ تاریخندن معتبر اولق اوزره برماه ظرفده استیناف ایده بیه جکی اصول محاکات جزاییه قانوننک یوز سکسان دردنجی ماده سنده کوستریلان استیناف مدعی عمومی سنک اساساً مرکز ولایت استیناف محکمه سی زندیه مأمور اولمی اعتباریه لویه مربوط قضالر محاکمی مقرراتی علینده استیناف و تمیز مثللو طرق قانونیه مراجعت حققی غیرحاضر بولنسنه نظرأ مواد جزاییه مقرراتندن طولانی مافوق محکمه سینه مراجعت اول امرده اصولاً او محکمه ده بولنان مدعی عمو میلرک وظائفه مرتب بر کیفیت اولوب بووظیفه لری ایفا واستدعا نامهلرینی محکمه مذکوریه تودیع واعطا ایچون انشای تفهیم قرارده حاضر بولنسریلان مدعی عمومی مساوانلریله وکیلرینه تاریخ تفهیم قراردن اعتباراً اون و سکر کوندن عسارت اوله رق تعیین قلنان مهل استیناف و تمیز بالقاً مایع کافی اولدینی کبی حکمی ویرن محکمه زندده بولنایان مدعی عمومی مساوانلریله استیناف مدعی عمومیلرینه بالاده عرض و بیان اولدینی وجهله تاریخ حکمدن ابکی و تبلیغ تاریخندن اعتباراً برماه اولق اوزره ویریلان مدتک دخی سالف الذکر اصول محاکات جزاییه قانوننک یوزسکسان ایکنجی ماده سی منطوقجه محاکلردن کلان خلاصه لر اوزرینه اوراق متعلقه سنک جلیلیه ویا خود درحال مرجع نظامیه سنه استدعا نامه سی قید استیادیرمک صورتیه محافظه سی تمکناندن بولنش بناء علیه طرق مراسلاتک مسدود دینی کیفیت بومسنده موضوع بحث اوله میه جتی جهته استیناف و تمیز مدتلرینه متفرع اولان مواد قانونیه نک شو سیددن دولانی تعدیل و اصلاحه حالاً و مصلحه لزوم و ایجاب کوریه مامش اولدیفندن اصول مذکورک جهات مبحوث عنایه متدائر اولوب ایضاح و تفصیل اولنان احکام عمومیه سی دائره سنده ایضای وظیفه یه اعتنا و دقت و تکثیر خبراته باعث حالادن بجانب اولنسنک جواباً مذکور مدعی عمومیلرک بیان وازباری لزومی افاده قلنشدر .

محاکمات و مقررات

درسمات استیناف مدعی عمومیلرینه :

پارسه فرار ایلدیک ادعاسیله مظنون علیه اولان شکیک فعل مذکورده اجتساری قومیسون مخصوصنک مضبطه سی مندرجاتیه اکلاشلدیفندن اصول محاکات جزاییه قانوننک

مواد مخصوصه سی احکامنه توفیقاً درسمات جنایت محکمه سنده محاکمه سی اجرا قلنق اوزره عسکری جزا قانوننامه هایونسک یوز اوتوز ایکنجی ماده سی حکمنه توفیقاً جنایتله اتهامنه قرار ویرلدیکندن متهم مرقومک هر زرده کوریلور ایسه طویلوب محکمه مذکورده توقیفخانه سته تسلیمی لازم کله جکی بالجله ضابطه عدلیه مأمورلر نیک معلومی اولق اوزره اشبو اخذ و گرفت مذکره سی درسمات هیئت اتهامیه سندن بالتظیم اعطا قلندی .

کره بته قضاسنک ماورانی قریه سندن وانکلی ولد اشتر بونک ماده قلندن دولانی جنایتله اتهام اولان اورمان قوربیجی شعیبان بن داودک اون بش سنه مدتلره کورکه قولنسنه دائر سرفیجه سنجای بدایت محکمه سی جزا دائره سندن ویریلان ۸۱ نومرولی اعلام

مدانیه قضاسنک آق قریه سندن خلیل چاوشی قل ایلدیک ادعا اولنسنندن دولانی جنایتله اتهام اولنان جمال بن ابراهیمک اون بش سنه مدتلره کورکه قولنسنه دائر خداوندکار ولایتی استیناف محکمه سی جزا دائره سندن ویریلان ۴۴۹ نومرولی اعلام قوشه بیکار قریلی سلیمان بن صالحک کیفیت قلندن دولانی جنایتله اتهام اولنان ندیم بن ملا محمدک اون بش سنه مدتلره کورکه قولنسنه دائر ارضروم ولایتی استیناف محکمه سی جزا دائره سندن ویریلان ۱۲۵ نومرولی اعلام

واسیلک دکرمانی باصوب معامله جبر و شدت اجراسیله اشیاسنی سرقت ایتمسندن دولانی جنایتله اتهام اولنان قره عیسی اوغلی اسماعیلک درد سنه مدتلره کورکه قولنسنه دائر دکرلی سنجای بدایت محکمه سی جزا دائره سندن ویریلان ۱۶ نومرولی اعلام قونیه نک قرب جدید محله سندن بکار اوغلی علی چاوشی قل ایلدیک ادعا اولنسنندن دولانی جنایتله اتهام اولنان مقتول مرقومک عم زاده سی حسین بن حسنک اون بش سنه مدتلره کورکه قولنسنه دائر قونیه ولایتی استیناف محکمه سی جزا دائره سندن ویریلان ۶۱ نومرولی اعلام

طرابلس غرب ولایتی حبسخانه سنده محبوس سالم المحبوب العلوی ایله حسن بن محمد البهیللی حبسخانه دروننده جرح ایلدیک ادعا اولنسنندن دولانی بته جنایتله متهم اولوب واون بش سنه مدتله حبس

جزاسنه محکوم بولنش اولان دیاب بن الساسک مدت مزبوره ختامندن صکره اوچ سنه مدتلره کورکه قولنسنه دائر ولایت مذکورده استیناف محکمه سی جزا دائره سندن ویریلان ۲۵۲ نومرولی اعلام قوزانه قضاسنک چوبانی قریه سندن محمد بن الماسی جرح ایلدیک ادعا اولنسنندن دولانی جنایتله اتهام اولنان قریه مذکورده عثمان بن عمرک اوچ سنه مدتلره کورکه قولنسنه دائر سرفیجه سنجای بدایت محکمه سی جزا دائره سندن ویریلان ۴۹ نومرولی اعلام ارناک قضاسنک طورجرلر قریه سندن کولک یوسف اوغلی عبدالحی جرح ایلدیک ادعا اولنسنندن دولانی جنایتله اتهام اولنان عبدالکریم بن محمدک اون بش سنه مدتلره کورکه قولنسنه دائر ایچایل سنجای بدایت محکمه سی جزا دائره سندن ویریلان ۱۸۶ نومرولی اعلام

قوزانه قضاسنک احداویه قریه سندن احمد بن حاجی حسنی قتل ایلدیک ادعا اولنسنندن دولانی جنایتله اتهام اولنان قریه مذکورده موسی بن عیسانک اون بش سنه مدتلره کورکه قولنسنه دائر سرفیجه سنجای بدایت محکمه سی جزا دائره سندن ویریلان ۱۹۵ نومرولی اعلام

خی صعب قضاسنک ویرانه صون قریه سندن ابراهیم بن محمد ابراهیمک ماده قلندن دولانی جنایتله اتهام ایدیلان قریه مذکورده عبدالرحمن بن عبدالحسن و محمد بن عبدالعنانک اون بش سنه مدتلره کورکه قولنلرینه دائر نابلس سنجای بدایت محکمه سی جزا دائره سندن ویریلان ۱۳ نومرولی اعلام

آقوه قضاسنک یالوح قریه سندن غلانیه قل قصدیه سلاح استعمال ایتمسندن دولانی جنایتله اتهام اولنان یینو بن مرسلک اوچ سنه مدتلره کورکه قولنسنه دائر سنجیه سنجای بدایت محکمه سی جزا دائره سندن ویریلان ۱۴۵ نومرولی اعلام

کلیسک کلجریه قریه سندن قدور بن یونسک لیلآ آخوری دیواری دلره ک اشیاسنی سرقت ایتمسندن دولانی جنایتله اتهام اولنان محمود بن ناصرک اوچ سنه مدتلره کورکه قولنسنه دائر حلب ولایتی استیناف محکمه سی جزا دائره سندن ویریلان ۴۸ نومرولی اعلام محکمه تمیز جزا دائره سنجیه تصدیق اولنشدر .

چینقو سرقت ایلدیک ادعا اولنان حسینک فعل مذکورده جرأتی ثابت اوله مدیفندن برانته کور بقالده ساکنه خدیجه خاتمک کامله خاتمی ضرب ایلدیک ثابت اوله مدیفندن برانته کوفه جی محمدک ابراهیمک مجروحیته سببیت ویردیک اکلاشیه مدیفندن برانته

سعیدک دیمتری یی ضرب ایلدیک ثابت اوله مدیفندن برانته واصف افندیسنک قوندوکتور محرم افندی یی ضرب ایلدیک ثابت اوله مدیفندن برانته چوبان احمدک خورشید بکک قوزیسیله قیوی سرقت ایلدیک ثابت اوله مدیفندن برانته بحریه وهادیه خاتمک اقبال و منیره خاتمه خل ناموس سوزسولیدکاری ثابت اوله مدیفندن برانته کورقورک انترایکی ضرب ایلدیک اصولاً ثابت اوله مدیفندن برانته

توفیق افندیسنک حوریه خاتمه اطاله لسان ایلدیک ثابت اوله مدیفندن برانته قاضی کویسنده قهوه چیلک ایدن یونان دولی تبعه سندن مارقونک پولیس مأموری احمد افندی به اجرای وظیفه حالده حقارت ایلدیک اصولاً ثابت اولدیفندن مرقومدن برلیرا جزای نقدی آلمسنه قاضی کویسنده ساکن هدایت افندیسنک باقونی ضرب ایلدیک ثابت اولدیفندن اون کون حبسنه یکدیگرینه اطاله لسان ایدن امین و تیورجی عبده اغالردن یارمشر لیرا جزای نقدی اخذیه

تیورجیار ایچنده کراسته جی سحاق ونعلبور حزارک واسیل افندی یی ضرب ایلدیک ثابت اولدیفندن بر هفته حبس لرینه میرآخوردده قهوه جی راشدک بالقجی محمدی ضرب ایلدیک ثابت اولدیفندن مرقومدن برلیرا آله رق مضروه اعطاسنه

برکیلواوچوز سکسان غرام قحقاق توتون قاچردینی ثابت اولان سلیمانک محکومت سابقه سینه مبنی یوز یکرمی غروش جزای نقدی اخذیه موقوف آتجی طاهرک آتجی حسین اغانک البسه سی سرقت ایلدیک اصولاً ثابت اولدیفندن تاریخ توقیفندن بالا اعتبار اوچ آی حبسنه و ختام مدتنده ضابطه جه کفاله ریطنه

احمد افندیسنک رژی قولباشیلردن محمد فائق وقولی ابراهیم و اماعیل اغالره اجرای وظیفه حالده اولقسنرین اطاله لسان ایلدیک ثابت اولدیفندن بر لیرا جزای نقدی آلمسنه احمدی ضرب ایدن اورته کوبده مقیم دولکر واسیلک برهفته حبسنه

قیسقلیده ساکن عطار عمر اغانک صغیر اوغلی مصطفانک ، دیکر مصطفای جرح ایلدیک ثابت اولدیفندن صغر سنی حبسیله ولیسنه تسلیمه نردبان کویسنده ساکن طالب واحسانک ، ایضای وظیفه حالنده قومیسر حسین عونی افندی ایله زاندارمه ولی اغایه اطاله لسان و مرقومانی ضرب وزاندارمه

ولی اغانك دخى كذلك اجراى مأموریت حالنده طالبه قساطوره تشهیر ايله برابر آنلری ضرب ایلدیكى ثابت اولدیغندن طالب واحسانك التیشر یچق آی وژاندرمه ولی اغانك دخى اون کون حبسلرینه

کوکصوده ساکن سودجی یعقوب وخدمتکار محمدک یکدیگرینی ویعقوبك آندریقوی ضرب ایلدکری ثابت اولدیغندن برهفته حبسلرینه

سمیدجی مصطفانك دیمترینك اموال منقوله سنه بالاختیار ایراث اخسار ایلدیكى ثابت اولدیغندن اون بشلك جزای نقدی آلمسنه

جکرجی دیمتری بی ضرب ایدن یکی محله ده قصاب واسیلدن برلیرا الهرق مضروب ویرلسنه

قوز غنچقده دره ایچنده سودجی لیازار ايله قهوه جی استماتك مضارب ایلدکری و بولردن لیازارک پانده لینك جامنی قیردینی ثابت اولدیغندن لیازارک سکنز کون واستماتك برهفته حبسلرینه

قطار مأموری حسن افندینك حوریه خانمه واورمان مأموری علی افندینك دخى مومی الیه حسن افندی به اطاله لسان ایلدکری ثابت اولدیغندن مرقو ماندن برلیرا جزای نقدی اخذینه

فظاماته رعایتسز لك اثری اوله رق خدیجه نك مجروحیتنه سبیت ویردیكى ثابت اولان آصمه آلتنده ساکن استراطینك برهفته حبسنه

مصارف جراحیه اوله رق تقدیر اولنان یوز یکر می غروشك تحصیلنه کیدن نجیب اغای ضرب ایدن ملازم معشوق افندینك اون بش کون حبسنه

مصطفی افندی به اطاله لسان ایدن استنبه لی رضا افندیدن برلیرا جزای نقدی اخذینه

اسکدارده سلطان تپه سنده ساکن مهاجر محمدک اوکی پدری صالح اغانك خانه سنده یکر می طقوز کیلو سکسان غرام خاق توتون طوتلدینی ثابت اولدیغندن بیک یوز یتیش غروش جزای نقدی آلمسنه

بشکطاشده ساکن قاسم بن مصطفانك پورتقالجی حسینك اوتوز بش غروشی دولاندردینی ثابت اولدیغندن اوج آی حبسنه و برلیرا جزای نقدی آلمسنه و دولاندردینی اوتوز بش غروشك تحصیلنه

ویقتوریانی ضرب و جرح ایلدیكى ثابت اولان بکزاده زقاغنده ساکنه ماریانینك برهفته حبسنه درسعادت، بك اوغلی واسکدار بدایت محکمه لری جزا دائره لرجه قرار ویرلمشدر .

اعلامات

ارضروم استیناف معی عمومیلمکسنه : یکدیگرلرینه قتل قصدیه تشهیر سلاح ایملرندن

ومأمورین ضابطه یه دخى قارشو کله رك محبوسینك اسباب فرادرلری تسهیل ایملرندن دولای مظلون بولنانلردن پاسنیرك سوربهان قریه لی کامل اوغلی محمد ايله ایوب اوغلی برهان وارسلان اوغلی مقصود وکرک قریه لی احمدچاوش اوغلی عزیزوناظم وعیسانك خدمتکاری احمد نام اشخاصك ارضروم استیناف محکمه سی جزا دائره سنده محاکمه لری اجرا قلنمق اوزره جنایتله اتهاملرینه قرار ویرلمش وکندولرینك وادی فرارده بولندقلری اوراق تحقیقه مألرندن آکلاشلمش اولدیغندن مرقومونك هر زده کوریلورلر ایسه دردستلریله محکمه مذکوره توقیفخانه سنه نقل تسلیم ایدملری لازم کله جکی بالجله ضابطه عدلیه مأمورلرینك معلومی اولق اوزره اشبو اخذ وکرفت مذکومه سی ارضروم هیئت اتهامیه سندن بالتنظیم اعطا قلندی .

بایوردلی کشیش اوغلی میخائلك لیلآ دکانی کلیدینی شکسته اشیا سنی سرقت وافعال سائر جنایه یه مجاسرت ایتدکری ادعاسیله مظلون بولنانلردن اسپر قضاسنك نورکاح سفلا قریه سندن قربان ولاز محمود اوغلی یوسف واسماعیل وقره قوج قریه لی محمود اوغلی مصطفی وصفیرن اسماعیل وپولا اوغلی عبده و مشتاق اوغلی سلیمان وحسین نام اشخاصك ارضروم استیناف محکمه سی جزا دائره سنده محاکمه لری اجرا قلنمق اوزره جنایتله اتهاملرینه قرار ویرلمش وکندولرینك وادی فرارده بولندقلری اوراق تحقیقه مألرندن آکلاشلمش اولدیغندن مرقومونك هر زده کوریلورلر ایسه دردستلریله محکمه مذکوره توقیفخانه سنه نقل وتسلیملری لازم کله جکی بالجله ضابطه عدلیه مأمورلرینك معلومی اولق اوزره اشبو اخذ وکرفت مذکومه سی ارضروم هیئت اتهامیه سندن بالتنظیم اعطا قلندی .

اعلامات نظامیه اجرا دائره سنده :

آریستوته لی پاداوپلوا یله قالیوپ والی نك بااعلام نظامی دو قوتور میخائیلیدیس افندی ذمتنده مطلوبلری اولان مبالغت تأمین استیفاسیچون مرهون وفروختی محکوم بولنان هکبه لی اطه ده یالی جاده سنده تخمیناً یوز سکسان ارشون عرصه اوزرینه مبنی ایکی قاتدن عبارت بش اوطه بر صوفه و مرمر دوشه لی بر حولی و قرق ارشون باغچه یی حاوی سنوی یکر می لیرا ایجار کتورر یوز قرقیدی نومرلو بر باب خانه نك علی الاصول التمش بر کون مدته اجرا قلنان مزایده علنیه سی نتیجه سنده لیرای عثمانی یوز غروش حسابیله اون بش بیک غروشد. طالبی عهده سنده تقرر ایلش اولدیغندن

مذکور خانه یه یوزده بش ضعیله طالب اولنلرک ویا دها زیاده معلومات المق استیانلرک تاریخ اعلاندن اعتباراً اوتوز برکونه قدر پی ایچله لریله برابر درسعادت اعلامات نظامیه اجرا دائره سنه مراجعه ت ایللری اعلان اولنور .

عثمان افندینك محمد رفعت افندی ذمتنده محکوم به الاجنی اولان مبالغت تأمین استیفاسی ضمتنده مومی الیهک والده سی عایشه دلبرخانمدن انتقالاً عهده سنده اولوب حجز آلتنه آنان قومقپوده احمد چلبی محله سنده عزیزاده زقاغنده واقع تخمیناً ایکویز ارشون عرصه اوزرینه مبنی التی اوطه و بر مطبخ و بر قیو و بر مرمر دوشه لی حولی و بر بودرومی وزمینده بر اوطه یی حاوی بر وبش نومرولرله مرقم ایکی باب دکانی شامل اولوب مجموعی درتیوز الی بش غروش ایجار کتورر اوج نومرولو خانه نك غیر از رهن ربع حصه سیله مذکور ایکی دکانك نصف حصه لری طقسان بر کون مدته بالمزایده لیرا یوز غروش حسابیله یکر می بیک بشیوز غروشد طالبی عهده سنده تقرر ایدرک موقتاً قرار داده سی کشیده قلنمش اولدیغندن یوزده بش ضم ايله طالب اولانلرک تاریخ اعلاندن اعتباراً اوتوز برکونه قدر پی ایچله لری مستصحباً درسعادت اعلامات نظامیه اجرا دائره سنه مراجعه ت ایللری اعلان اولنور .

اذمید بدایت محکمه سی اجرا دائره سنده :

اذمیدك جدید محله سندن صولاقلر قریه سی امامی احمد افندینك، اذمید ایتم صندیغسندن و اذمیدك حاجی حسن محله سی اها لیسندن متوفاة سعیده خانم ایتمی مالندن ایکی سنه مدته استدانه ایلدیكى مبالغت مدتی منقضیه اولدینی جهته اذمید محکمه شرعیه سنك بر قطعه مقتضی اعلامی موجب جع بیع بالفاطر یقیله ترهین ایلدیكى بر باب خانه نك فروختی محکوم اولسنه مبنی اعلام مذکور موقع اجرایه وضع ایدلمش و علی الاصول تنظیم اولنان اخبارنامه مدیون مومی الیهک اقامتکاهی مجهول بولنش اولدیغندن اجرا قانوننامه هایوننك یکر می آلتنجی ماده سنه توفیقاً مقدما غزته ايله اعلان ایلدیكى حالده مدیون مومی الیه الیوم اثبات وجود ایتدیکنندن مذکور خانه اون بش کون صکره موقع مزایده یه قونیه جغندن طالب اولانلرک دیپو زیتو ایچله لری ویا معتبر کفیللری مستصحباً اذمید بدایت محکمه سی اجرا مأموریتسنه مراجعه ت ایللری اعلان اولنور .